

門生

劉邦善

編輯

工書

工役之興勢不能已先生初至值

潞王之國供應甚繁約費萬計先生調停酌處下

不勞民而上不廢事其諸工役皆不勞而事

集輯工書

申免

潞王供用器幣公移

為欽奉事蒙

鳳卷去

本府推官周 紙票仰縣即將石派人夫一千

五百名毡毯食盒圍屏鋪陳漆器綃布等項火

速派解以憑撥用先將人夫花名數目造冊送

府查點等因蒙此為照本縣僻居海隅連年荒

潦庫無積貯之銀民無隔宿之糧民窮財盡困

苦極甚前項夫役召募艱難義在供

王不敢不勉蒙派毡毯等項本縣素無驛逆原未置

辦欲買則費銀數多無從措處欲借則窮鄉陋

室何處那移况又蒙

本道澤照

撫案派本縣毡毯等項二十四州縣約已足用  
查得嘉靖年間

景王之國密雲等縣災荒夫役免派案証今本縣災  
荒見象

撫題請蠲免合無俯照前例乞將前項毡毯等  
項盡行豁免實為災邑造福擬合申請定奪為  
此今備前由具申伏乞

照詳施行

萬曆十七年二月

初九

日

順天府推官周

批

景王之國該縣原有額

賦卷之七

三

派今以災傷為請具見恤民之意准照本道議  
均派繳

修隄申文

寶坻縣為大雨如傾平地水深數尺民間麥禾  
盡被淹沒事本月十七日蒙

欽差密雲兵備副使郭 案驗據薊州申前事備案

仰縣即查薊州所申開掘該縣原築長堤二百  
餘里開掘水口二十餘處是否兩地要害如何  
應否准從從該縣地土三十里為河導水入海  
是否可從從該縣地土三十里為河導水入海

二事該縣曾否同該州會勘民情地利果否相宜廣詢該縣知事父老酌議妥當或別有所見統具一由作速申報以憑施行蒙此案照先同前事承准薊州故牒煩將先年修堤事宜詳為查明從長議妥必兩處相濟而不相害方於漕河民命不致有妨仍伺本州即日親詣審勘面會議等因承此即日親詣堤處所會勘間隨據通學生員李廷揚等呈為止開河防水患以杜一方大害事切照寶坻地形卑窪係九河下稍西接通州香河北通密雲牛欄山三河草橋等

以卷七

三

河東北隣薊州運河每遇夏水泛漲總歸寶坻勢如建瓴而下平地水深數尺民不堪命前蒙知縣丁奉

本道明文動官糧起民夫申請合于上司修築舊堤遇有小水可保無慮今有薊州相臨本縣運河一道經年不脩堤岸遇水奸民輒肆盜決此因看守牢固設計稟官款以寶坻為壑以洩彼州之水是在薊誠為得利切恐坻之城池倉庫民居將何倚賴况寶坻東南見被水災二百餘里更向何處求洩且薊州自陰六口至蒙家

園原有通海大河見今壩住不令洩水呈乞申報上司令開彼州陰六等河廢本縣不致受害伊州亦得免患矣又據棗縣里老張廷璽等呈為懇申文禁止越境開河以保城墪倉庫以救萬民姓命事各情到縣據經申詳間今蒙案仰前因遵該本縣知縣袁 備查得縣東運河一道東北屬薊州西南隸寶坻自元時虞集學士與京東水利修築各處長堤成蹟具在年遠湮廢萬曆陸年為查議水患以極民困事蒙

前道叅政錢 目覩時艱案行本縣查勘各處

卷之七

四

口岸 後舊堤該本縣先任丁知縣逐一查勘申論合于上司依倣古蹟脩堤杜水彼時寶坻固得免患薊州亦無異議萬曆拾伍年玖月內又為比例修堤事承准薊州故牒蒙

欽差薊州兵備副使于 批據該州軍民裴敏等告

稱比照寶坻修堤事例起派人夫修築牒查本縣先年修堤事宜是拾伍年亦以寶坻修堤為是而欲做行之也今訪得薊民無事偷安遇水樂享漁利將舊堤蕩廢新堤不築及至水發乃稟寶坻築長堤而薊州咸受其殃欲於西北

開三岔口放水入幫道沽通天津河于東北毀  
長堤開王家沽掘民地三十餘里放水歸林亭  
口河夫水自有故道而導之則利逆而使之則  
害以三岔口言之三河之水則由西北而來嘴  
頭庄薊州之水則由東北而至嘴頭庄總歸一  
派由白龍港九王庄至梁城所蘆臺等處以歸  
于海此故道也本縣沿河修堤築口亦順而導  
之今薊州欲開三岔口使水由幫道沽至天津  
河夫幫道沽至天津河陸地相隔二百餘里河  
道不通水何以能徑達天津况此口離縣城不

數里大水一衝水沒城廓數日不退安能坐受  
其災又王家沽原名窪窰口先因舊堤不築致  
水衝口不數百步而蕩然平地未嘗有河形也  
今突欲包稅糧掘地開河使水由林亭口等處  
入海不知林亭口至大海尚隔二百餘里海口  
地高中反窪下形如鍋底每遇本縣諸水總歸  
則平地之水已深數尺若使薊州之水由此而  
來則本縣東南延袤二百餘里即成汪洋終難  
洩瀉其害不可勝言且據邑之父老稱言本邑  
淤停之水每至海口自高丈餘竟不入海故水

聚而不洩必待霜降之後海沽潮小滂水澄清  
方行收洩卑縣以理所無原不深信即帶同里  
老駕舟直至海口委果滂水停不入海若更添  
薊州水則闔邑魚鱉亦何待言又彼謂應挑地  
土該載錢糧即攤于薊州之闔境逐年解補之  
說但此地俱係小民世業一旦誰肯廢之其價  
誰與償之今日開河後日壅塞誰為浚之兩防  
堤岸坍塌誰為修之至海二百餘里分註境內  
沂河不下百餘其沂河堤岸工程誰為築之若  
此之舉誠為興必不可成之功而害及無辜之  
民終非經久良策也况寶坻東南一帶見今平  
地水深數尺民居蘆舍盡遭淹沒往來商旅亦  
皆阻隔尚無計洩若再導引薊水是一害未艾  
又從而播之也不惟田禾累歲無望抑且民命  
終不可保矣及查薊州之水舊由陰六口之大  
河由玉田鴉鴻橋而入豐臺大海今陰六口已  
被豪民堵塞若肯少使設法疏濬則彼水順流  
而洩矣由是沿河再築堤岸何憂水患卑縣遍  
察地勢廣詢輿論委與前情相符再照薊州寶  
坻尺地一民俱係

朝廷人士若使害一利百本縣原無成心即使本邑獨當一害尚猶可言今查前因是薊州未能一利而城邑先害百矣合無軫念地方大害民生為重俯賜酌議定奪緣案仰具由速報事理為此除具揭申 薊道外今備前由另具書冊具申伏乞

照詳施行

### 開河申文

順天府通州寶坻縣為懇申開濬溝渠以興水利事據本縣小洵庄居民何大名等連名告稱

卷七

七

本庄地窪河少十九年滂旱時居民俱往張頭窩庄担水食用往返六里餘遠深為未便幸蒙本縣目覩民艱俯准寧等開河至張頭窩庄通渠洩水萬民稱便誠恐日後溝渠阻塞復受前害告乞申明請給明示以防後患等情到縣據此為照水以養生而亦時乎害民苟非慶之得宜民鮮不懼其害先該本縣知縣袁 看得本縣曠土最多一兩即潦皆由水道不通吐洩不及以致鹽鹵之氣無由宣洩即將四境之內宜開濬者悉行開濬三年以來荒地盡開衆皆稱

便小洵庄其一也已經本縣徧覽地勢酌示河渠之便准令何大寧等各家自備夫力挑濬成渠自小洵庄起至張頭窩庄止以備旱潦之興利除害一舉兩得今何大寧等慮恐日後阻塞請乞申明預防蓋不徒為一己目前之計而欲為一方永利之圖合無仰從所請將張頭窩庄至小洵庄新開沽道出給明示嚴禁不許阻塞仍刊刻以垂永遠庶荒郊變為樂土而斯民永沾惠澤矣卑縣未敢擅便擬合請詳為此今備前由具申伏乞

照詳施行

濬新河申部減派役夫議

順天府通州寶坻縣為比例懇免繁役事照得本縣連歲水淹今歲尤甚往時地方雖沒而遠地猶有熟者今海潮灌入水不潤下惟北邊十餘里無水而自縣治以南二百五十餘里一望瀰天蕩然大浸是昔之所溺者近而今之所溺者遠也又昔之沒猶在殷盛之時而今之沒則在飢荒之後人心搖搖盜賊蜂起已該平谷王知縣勘准寶坻九分所免存留不過百中之一



徒勞纖惠無益疲民惟有四輪車及採石夫匠一節最為民害緣本縣地勢卑窪素無車輛展轉僱募受累多端又本地原無石匠直至荊州雇覓方其應召則多方索詐一名費二名之直及至工所則烏合流徒二名無一名之用且既非素轄之人必有常逃之患屢拘屢逃厚費厚賂此徃歲之明效而里甲之厚累也遷安盧龍既以荒而蒙免本縣荒甚而不除均為王民豈宜異法又密雲通州近亦議停密雲相遠未聞其詳即如通州遍地禾黍較之寶坻荒熟迥異

現今修築城垣亦係本縣幫貼至下驛遞衝繁則寶坻每年協濟通州驛站銀三千八百八十四兩有餘是驛遞在通州而供給在寶坻通州有衝疲之名而寶坻有繁費之實今年因寶坻荒潦夏季站銀未解而通州告給是通州固恃寶坻以為命者也倘免彼而不免此是舍其本而救其末矣懇乞憐積災之地擴一視之仁將原派夫匠及四輪車照例申豁地方幸甚卑職幸甚緣係懇免繁役事理未敢擅便擬合請詳為此今將前由另具書冊具申伏乞

照詳施行

順天府通州寶坻縣為查舊制挑新河以甦民困事據本縣民王奉祥等告稱切見新河處所建有石碑上刻

太祖舊制淺河身長三千六百四十八步原議順永二府所屬州縣衛所七十二處派夫六千餘名挑究以速糧運遵行有年萬曆六年蒙

本部郎中李 見得府州衛所至新河六七百里路途寫遠附近夫役等候旬日方至每夫二名分工一步不過十日工完遠處夫役做工日

少行路日多致勞民費會議題

准每夫一名折糧納工食銀六錢徵銀解部委官發銀召募止留寶坻武清香河三縣天津三衛梁城所實在夫七百餘名本縣分夫一百九十九名挑究之期部文坐派召募一千名為照本縣地薄民貧實在夫尚不能支又加召募千名實為偏累於且募夫深處挑濬先議每步二名今止一名做工餘始發工價原議工食陸錢今又分別深淺上中下三等給散十分之中實惠不得四五搭鬪席柴薪木等項獨累本縣夫役

當衣賻墊及至完工回家赤身空手沿路悲泣  
貧民受害况兼本縣節被水災民多逃竄告乞  
可憐除實在夫一百九十九名照舊僉解其募  
夫千名合無申請趙豁少甦民困等情到縣據  
此卷查先為議處挑挖新河以速糧運事萬曆  
六年八月內蒙

欽差密雲兵備右叅政徐 案驗蒙

欽差巡撫右僉都御史陳 案驗准工部咨該本部  
題據都水清吏司案呈奉本部送據本司郎中  
李 呈奉本部劄付該本部題海口新河三年

一上 卷末七

十一

兩次挑挖萬曆六年又該挑挖之期題奉

欽依備劄到職遵依備行順永二府起調所屬州縣  
衛所軍民夫役前赴新河工所興工挑挖除人  
人依期到工不開外其澤州及營州中屯等衛  
或遲延日久方至或有中途賣放止押一半夫  
役到工甚至全不僉解事屬舛錯且各州縣衛  
所人夫至工路途迢遠有相隔四五百里者有  
一處止該夫十數名者徒費文移終難齊集又  
每夫一名徃來盤費近者不下二三錢遠者不  
下一兩五六錢仍受奔馳勞苦一夫輒經三四

十日方得了事論其做工實止十日總計各處人夫所費不下七八千兩所挑工程不及十五財多虛費人無實用合依改議每年秋一次挑完將附近寶坻武清香河三縣天津左右營州前武清五衛梁城一所額僉人夫一千一百五十四名照舊起解壯丁其餘寫遠州縣衛所五十餘處額該人夫俱免力役每年于二月間照額每名減半徵銀伍錢或四錢起送本部交納或行該府類收總解轉發通州寄庫每年于八月間候糧運完畢差官領銀于寶坻天津附近

處所募夫每名日給銀陸分限于九月初一日計里分工挑完二十日完工若夫役臨期雇募不全就將前項解到人夫除原分工程挑完外仍留做工每夫日給銀伍分餘剩銀兩仍貯州庫備行及咨戶部轉行天津衛管糧官處將舊例粟米一千今止半支五百石照夫數分給等因萬曆七年八月內隨蒙

工部郎中陳 案驗仰縣除額派人夫外仍出示召募年力精壯一應軍民空閑人役大約四五百名就令前委官統領赴工本部逐日親自

唱名每夫日給銀六分爲支口糧本縣遵依出示召募並無應役隨于三十里坐派召募夫二十名押赴工所萬曆八年八月內蒙

本部郎中方 信牌仰縣除額夫外召募精壯軍民人丁一千名解赴工所本縣復于三十里坐派募夫一千名近年僉解不缺遵奉在卷今開告前情爲照遠近均爲王民勞逸自當均一今灤州等處憫其往來盤費之多減半徵銀而免其力役是遠者固得蒙實惠實堪重派編民津貼盤費赴工而所領工食不足以供日用是

卷十七

近者實至重累况今連年水災民多趨食在外一時召募不全必悞河工合無俯憫民窮除實在夫照舊僉解外將召募夫俯賜豁免以解實抵之重因卑縣未敢擅便擬合請詳爲此今備前由另具書冊具申伏乞

照詳施行

欽差工部郎中陸 批據本縣申前事蒙批新河夫役順永所屬州縣既以踴遙議徵銀解部則顧募之夫勢不得不取諸附近而新河正在該縣地方已經本部

准議派行之年久難以變更况每夫每工價銀六分亦不為甚累但恐委官給散不時當臨時稽查今據該縣准王奉祥開告連被水災民多逃赴雇募不全量減三百名此亦權宜之計也

申停採辦花板石車輛文

順天府通州寶坻縣為欵奉 勅諭事彙

欵差密雲兵備叅攻郭 案驗准

欵差薊州兵備副使于 關稱十一月十七日據委

官經歷呂嘉謨等呈案照先准遵化豐潤二縣

關彙本道案驗

卷五七

五

欵差巡撫右僉都御史蹇 案驗准工部咨前事備

案仰縣即將該縣原派車輛星馳解用仍將解

過日期申報本道以憑回覆施行等因到縣彙

此卷查本縣原派

壽宮車六輛彙

本道案驗并工部信牌催提已經解赴工所見在馬鞍山大石窩補轉運石訖坐派補採梁石車三輛自本縣蒞任之初看得連年荒潦小民因苦極甚于七月內先賑遷安盧龍等縣災傷事例乞免車輛夫三緣由詳

撫二院蒙

撫院批該縣災傷既極重大如議豁免夫卓此  
緜又蒙

按院批該縣被災獨甚車輛人夫應從豁免但  
查本院無行候 撫院詳示此緜轉行 本道  
隨蒙案仰豁免本縣遵即出示曉諭已經豁免  
外今蒙前因擬合申覆為此今備前由具申伏  
乞

照詳施行

議置木閘文

奏奉是也

一五

為請置木閘以利漕運事本月初六日蒙

欽差巡按直隸等處督運兼理河道監察御史彭

批該本道呈蒙 前院賈 批據寶坻縣申詳

查得石壩至天津衛漕河不過三百餘里淺於  
三四十處沿河設夫隨壅隨掘又廣設剥船輪  
流轉運而各處糧船常苦淺擱當時原議置閘  
後以工程浩大河流遷徙不常遂不克置而付  
之無可柰何十七年春送

潞王之國山水未至河流半涸舟悉停滯上下惶惶  
束手無策早職供役河下目覩其難計於管河

陸郎中令囊沙以壅下流須臾水滿舟行無碍  
此已試之明驗也今請相度地勢置木閘四五  
座每座隨河身廣狹先以經尺大木釘椿如橋  
柱之狀次以拱把楊木密排釘之又以楊板釘  
其隙縫而中間約留一丈八尺設板啓閉每座  
不過用銀三四十兩五座不過用銀二百兩而  
足矣倘遇大水衝壞旋即修置或河流遷徙亦  
隨而置之費用不多為甚易木閘既成河流常  
滿舟至即行可免運船月餘之滯一利也臨清  
以下順流易行天津而上逆流難達今誠置閘

不特有水可蓄又且水平而易行二利也運船  
直至石壩可免剥船偷米指價之苦三利也省  
沿河淺夫工食數萬兩四利也堤夫盡行放免  
但存剥船工值十分之一以修木閘及挑淺  
之用蓋平時淺夫雖多泥在水中撈掘不便皆  
係虛應故事今閉上閘開下閘使水落而後掘  
則挑濬得實而泥不能停五利也倘蒙批發覆  
勘如果可行所費之銀不必他求但取本縣冬  
季隄夫空月工食足以濟事人工亦不必別派  
但取見在隄夫分工修建多則二十日少則十



餘日而工可就矣

答潘尚書問治水揭

承到問治河要旨此臺下誤聽而借視于首也  
治水一事古人有專門之學其疏導堤防皆有  
秘法凡欲開渠宜知地勢動者上跡之見諸外  
者也其法兵在周禮吳自湖開新河而陳頌其  
其心不行者以其不順地勢耳考二記云善處  
者水濕之善防者水激之所謂水濕者先察地  
勢順而導之但使下有隙縫可通而上積水以  
衝則有旱地導可頃刻立就未開之是有法一

卷之二

十一

用水平以驗其高卑工用弩牙以作其懸氣三  
立虛闕以相其行止既開之後有六法一鉤二  
壑三疏四欄五鑿六平各有器械各有機關且  
錄別紙畫下相黃淮之勢符築造堤逼水歸漕  
正是以水攻水之法但恐數年之後以隄漸高  
則泗州之水不能東下泗水不下恐為祖陵大  
患大禹治水必先導山龍門而下河始入平地  
為三門七津以節之唐貞元十九年開閩中運  
道盡夷其險此黃河受病之源古今之所莫知  
者也又徐呂二洪石皆崇竦當祈陳宋二公特

留其險以蓄水勢蓋黃河之水也。以行有石  
一激則水勢翻騰而泥沙先下。身間土平取  
穆因是。其石坎呂梁無吟。渾泥日積而  
沙身漸高。又黃河入海之處無山。節水疎宋特  
于山陽縣。兩浦村作石弩牙以節之。今已没于  
泥中矣。吳晉今日治河者所當察也。

呈王道尊督亢地圖考

承宣索督亢圖考意欲將興京東水利甚盛舉也。謹  
陳其畧。督亢溝水乃涑之別派。涑水之源出今  
山西大同廣昌縣城南半里。職常遊而憇焉。土  
人目之曰涑源泉。迺邈而東抵紫荆關外伏流  
三十餘里。至萬佛寺洞口始從地出。與烏龍溝  
水合。其流尚微。東南出太行山之麓。辟流奔轉  
其勢始盛。又東南歷今房山縣。即古之奉先縣  
也。遂分為二。一西南行。即涑水。一東南行。即督  
亢溝。自此東南行。逕涿州城之東十五里。古有  
督亢亭。今廢。徐廣所謂涿有督亢亭者。蓋指此  
也。元魏裴雋築陂大興水田於此。因名督亢陂。  
正義謂督亢陂在幽州范陽縣。今之涿州。即古  
之范陽縣也。涿州志云。涿州東南即督亢隄。其

地肥美然則劉向之稱膏腴徐廣之稱良沃豈  
虛哉溝水東南行土人呼之為酈亭溝又東遙  
故樓桑里南在今涿州西南一十五里入東為  
督亢灣督亢溝之水自此分枝其一東行逕漢  
侍中盧植墓南今涿州人呼為南臺其一南行  
土人亦謂之白溝今京師人呼為白溝河所謂  
定興故道也大都督亢之水来自房山盤旋於  
涿州今之良鄉固安東安昔雖皆涿屬然督亢  
陂在涿州東十里督亢亭在涿州南十五里  
自東而西至樓桑亦不出十五里

皆在涿州無疑燕之都以水為固亢自南而入  
者必逕涿州良鄉而督亢之地瀉水成淀前後  
鈞聯埂道如絲唐時置尾橋等三關正是扼水  
為險耳故秦欲得此地圖以為入燕之計索隱  
所稱田良沃欲獻秦者蓋得其一未得其二也  
白溝之水入潞河則通州亦為督亢所經然其  
利則在涿不在通矣若三河則絕無干預其詳  
皆具卑職所編皇都水利考中附獻呈覽